

Waccugol Almaami Alfaajo

[Page 1]

Bismi l-Lāhi al-Raḥmāni al-Raḥīmi

Allāhumma ṣalli ‘alā Sayyidinā Muḥammadin wa sallim

Mi hollaa ko yurmi on Alfaajo leydi	no fuuti hammi laakhira saare mawnde
Mi hollaa ruuhu makko e bandu makko	no wiira wa sonndu hamma ka saare toownde
Mi hollaa comci rawnuɗi wayta nuuru	defaadi e bandu makko to saare toownde
Yo yaafo mo Jooma kanko e yimbe makko	yidaabe yo yaafo hamma ka saare toownde
Yo yaafor lambe leydi e mawbe mayri	e sewbe yo yaafo ben burnaabe toowde
Yo beyditu darja mun burnaado khalqu	e aali e sahba en burnaabe toowde
Seeri e seydi ben almiibe leydi	fugumbaa wi'a lasli ko dammbe toownde
Baleebe ka leydi ardira senngo mayri	e bantude diina on burnaado toowde
Leñol ngol fooduyee innaado Seeri	e Seydi be Timmbi ben almiibe toowde

[Page 2]

Habaybe jihaadi dännira maaku burdo	-be dartina dina kan burnaaka toowde
Be lesindina geddi, gondii keerii leydi	be hettira, bibbe ben almiibe toowde
Timmbo ko Tummbo Fuuta Jaloo	e leydi e Timmbo le fugummbaa burbe toowde
Iwii Usmana on lontiido leydi	gedal Alfaa Muhammadu burbe toowde

O lontii Fuuta fewndo yahaandu leydi ñaamooɓe sagalle jattira lamɓe leydi

Jooma no elti on Alfaajo leydi o jonni mo laamu on diiwaanu leydi

Iwde ka keeri Timmbo e Timmbi leydi no jonni mo darja laakhira saare toownde

No elti leydi jonni mo darja mayri e leɗɗe e kaayɗe ɗen cehe men e toowde

Jamaadu, nabaatu, kon huɗo men e ɗudde e njaare e gabbe leydi mu'un e sewde

No sujjana Jooma ɗoftii lamɓe leydi ko aalama makko kuugal ɓurɗo toowde

Yo yaafo mo goopi ɗin hawraaɗi leydi e Yamugol mbuudi jonnita wiiiɓe addu

[Page 3]

Yo dofte yo junne ɗin si tawii no woodi ko njooba to saare lakhira nden e toowde

Ko dolle junuubu ɗuudi e fewndo hannde si gomɗu si jonnu ɗun hino loota ɓandu

Limayɓe ɗi ñaama hawta e wiiiɓe addu ko tewagol tooña ɗun hino sunna ɓannu

ɗi wonta wa bole yiite wa kaayɗe magge ɗi sunnira ɓannu wayta pitilli laamɗo

Mo tuubani Jooma jonniti jeyɓe mbuudi no yawtaneemo wayta o laaɓunooɗo

Yo yaafo mo Jooma kanko e yimɓe makko e y'ibbe ɓadiiɓe mo wonɓe etude

Ka sortude ruuhu wattina wonta yeeso ka jannatu toowɗo nawru mo ɗon e yawde

Ka wattude leɗɗe ɗen keerunoo ɓe leydi ka niwre yenaande danndu mo ɗun e hulde

Ka lanndal gaburu longol ɗun e yawde tawhiidaaku Jooma ko halliloyde

Ka lande gaburu newnir yaccineede

o jaaboo tilminiibe e lanndoyaade

O huylora fadlu Jooma e yarlineede

o hucca o hamma saami e newnaneede

[Page 4]

Yo dandu mo garce saami e muuseendi

e haadunge naange lakhira saare toownde

Ko hasbude kuude jistinanaa mo bondi

ka yeebude talki newniranaa mo malde

Ka maayo hulaango lummbiniraa mo yaawde

o hamma ka saare jannatu nden ko toownde

No darni kubeeje jannatu deŋ ko toowde

yo wernu mo don e tumbo ~~ka~~ jeere toownde

No darnaa saffinaa ton gawlu toowdo

ko kun fa ya kuun huuraa dun ko bawde

Be yarnee zanjabiila e salsabiila

ko kon ton doftagol On Joomiraado

Be jaarnee weendu dakmundu burndu beeli

biraade e njuume kawsara burde welde

Be urnee urle welde e sahwinaade

wa on kaafuura burnaado welde

Bannee mbaali muuyama fence welde

e dakumude beere kawsara burnde welde

Bannee non buraagu e wadfyeeede

ngu taaruu jannatuje ngu dabba werde

E sa'a ngu naay'a fii yo tageefo dargu

e sa'a ngu suudee fii yo ngu burtu darnde

[page 5]

ngu hirkiniraama mbawgal Joomiraḍo	ko taltali kaŋŋe deŋ dokkooḍe hewḍe
Farnol ngol e jagisan wayta lebbi	wayta wa naange lagambal ngun buraagu
Nulaaḍo no maaka ḍuŋ hino burta welde	e maale e moose fii yo ngu burtu darnde
Keroona no aata ḍin nodda giidḍe nannde	wurin ḍi jogaaka poomaa ton e judde
Balannji no aata ḍin no dajiidḍi nannde	wurin ḍi jogaaka poomaa ton e welde
On wa si burtu maa e ko maare burtu	no aata jogaaka poomaa ḍun e welde
Ben heḍinoobe aduniya ḍin e mettude	nanoytaa ḍin mi senni daali lamḍo
Hamdan daa'iman gettooje lamḍo	wonii yi'ugol mo seedoo burdo toowde
E kullan muuminiibe e Annabiibe	e ben waliyaabe ben burnaabe toowde
Sa'ulan Jooma ḍun ko toraare mawnde	yo wonndino yan e beŋ burnaabe toowde
Lakullan saahibaabe e ben Nulaabe	e ben wurdii be ben burnaabe toowde

[Page 6]

Yaafor on mo yimiroy gimḍi weldi	o wonda e ben to jannatu saare toownde
E ben saaraabe an mi torii yo lamḍo	yo rokuḅbe janngo wondinagal e burḍo
Mi hattii ḍo'o e gimḍi e fadlu lamḍo	si eggu ka yeeso ḍun hino adda nganto

Yaafor muuminiibe e talibaabe

yidfir ben fii ko dokkal Joomiraado

Jul hisnaa e on burnaado toowde

e aali e sahbaabe en burnaabe toowde

Yaafor muuminiina e muuminaati

e kullan ben rewoobe Ma An e toowde

Tammāt al-Shi‘r, yawm al-sabti.

Allāhumma ṣalli ‘alā Sayyidinā Muḥammadin wa sallim

Allāhuma ighfirli wa li wālidayya wa li l-mu‘minīna

Wa l-mu‘mināti wa l-muslimīna wa l-muslimāti

Al aḥya’u minhum wa l-amwāti

Kullu hum ajma‘īna